



**VIJEĆE MINISTARA  
BOSNE I HERCEGOVINE**

285

"E"

Na osnovu člana 27. stav 11. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 34. sjednici održanoj 11. januara 2013. godine, donijelo je

**PRAVILNIK  
O IZMJENAMA I DOPUNAMA PRAVILNIKA KOJIM SE  
UTVRĐUJU MJERE ZA SPRIJEČAVANJE, KONTROLU I  
ISKORJENJIVANJE TRANSMISIVNIH  
SPONGIFORMNIH ENCEFALOPATIJA**

Član 1.

U Pravilniku kojim se utvrđuju mjere za sprečavanje, kontrolu i iskorjenjivanje transmisivnih spongiformnih encefalopatija ("Službeni glasnik BiH", broj 25/11), u članu 3. stav (3) mijenja se i glasi:

"(3) U slučajevima kad neki pojmovi iz Pravilnika nisu definirani u stavu (1) ovog člana ili Prilogu I. Pravilnika, primjenjuju se pojmovi iz posebnih propisa iz Pravilnika o označavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10, 25/11 i 103/11), Odluke o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu ("Službeni glasnik BiH", br. 33/03 i 14/04), Pravilnika o uslovima i načinu rada granične veterinarske inspekcije Bosne i Hercegovine ("Službeni glasnik BiH", broj 45/09), Odluke o načinu obavljanja veterinarsko - zdravstvenog pregleda i kontrole životinja prije klanja i proizvoda životinjskog porijekla ("Službeni glasnik BiH", br. 82/06 i 79/09), Pravilnika o

obilježavanju sirovina i proizvoda životinjskog porijekla i izradi, obliku i sadržaju veterinarskih oznaka ("Službeni glasnik BiH", broj 82/09), Odluke o određivanju veterinarsko-zdravstvenih uslova koje moraju ispunjavati domaća goveda za rasplod i/ili tov prilikom uvoza u Bosnu i Hercegovinu ("Službeni glasnik BiH", broj 84/09) i svih posebnih propisa iz navedenih oblasti."

Član 2.

Član 5. mijenja se i glasi:

"Član 5.

(Zaštitne mjere - biosigurnost)

U odnosu na provedbu zaštitnih mjera, primjenjuju se načela i relevantne odredbe iz Pravilnika o uslovima i načinu rada granične veterinarske inspekcije Bosne i Hercegovine ("Službeni glasnik BiH", broj 45/09), Odluke o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu ("Službeni glasnik BiH", br. 33/03 i 14/04), Odluke o načinu obavljanja veterinarsko-zdravstvenog pregleda i kontrole životinja prije klanja i proizvoda životinjskog porijekla ("Službeni glasnik BiH", br. 82/06 i 79/09), te svih posebnih propisa iz navedenih oblasti."

Član 3.

U članu 10. stav (1) mijenja se i glasi:

"(1) Specificirani rizični materijal mora biti uklonjen i uništen u skladu s Prilogom V. Pravilnika i u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11), te posebnim propisima i zabranjen je njegov uvoz. Popis specificiranog rizičnog materijala naveden u Prilogu V. Pravilnika uključuje najmanje: mozak, kičmenu moždinu, oči i tonzile goveda starijih od 12 mjeseci, te kičmu goveda u dobi koja je određena u skladu s posebnim propisima. Uzimajući u obzir različite kategorije rizika utvrđene u članu 6. stavu (1) Pravilnika te uslove iz člana 7. st. (1) i (2) Pravilnika, te člana 7. stava (3) tačke b) Pravilnika, popis specificiranog rizičnog materijala iz Priloga V. Pravilnika izmjenjuje se i dopunjuje u skladu s navedenim."

## Član 4.

U članu 14. stav (6) mijenja se i glasi:

"(6) Svi dijelovi tijela sumnjive životinje moraju biti zadržani pod službenom kontrolom do dobijanja negativne dijagnoze ili uništeni u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i posebnim propisima iz ove oblasti."

## Član 5.

U članu 15. stavu (1) tač. a) i c) mijenjaju se i glase:

"a) svi dijelovi tijela životinje moraju biti uništeni u skladu s odredbama Odluke o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i posebnih propisa iz ove oblasti, izuzev materijala zadržanog za evidenciju u skladu s Prilogom III. Poglavljem B Pravilnika.

c) sve životinje u riziku i proizvodi porijeklom od tih životinja, kao što je navedeno u Prilogu VII. tački 2. Pravilnika, utvrđene istraživanjem iz tačke (b) ovog stava, moraju biti usmrćene i uništene u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i posebnim propisima iz ove oblasti."

## Član 6.

Član 25. mijenja se i glasi:

## "Član 25.

(Prestanak važenja drugih akata)

Stupanjem na snagu Pravilnika prestaje važiti Odluka kojom se utvrđuju mjere za sprječavanje, kontrolu i iskorjenjivanje transmisivnih spongiformnih encefalopatija ("Službeni glasnik BiH", broj 31/03)."

## Član 7.

U Prilogu I. stavu (1) alineja (ii) mijenja se i glasi:

"(ii) "hrana za kućne ljubimce" - hrana za kućne ljubimce koja sadrži materijal Kategorije 3 u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11)."

U Prilogu I. stavu (1) alineja (iii) mijenja se i glasi:

"(iii) "prerađene životinjske bjelančevine" - su životinjske bjelančevine dobijene isključivo od materijala Kategorije 3 u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i koje su obrađene kako je propisano navedenom Odlukom i Pravilnikom o utvrđivanju veterinarsko-zdravstvenih uslova za odlaganje, korištenje, sakupljanje, prijevoz, identifikaciju i sljedivost, registraciju i odobravanje pogona, stavljanje na tržište, uvoz, tranzit i izvoz nusproizvoda životinjskog porijekla i njihovih proizvoda koji nisu namijenjeni ishrani ljudi ("Službeni glasnik BiH", broj 30/12), na način da su postale prikladne za direktnu upotrebu kao hrana za životinje ili za bilo koju drugu upotrebu u hrani za životinje, uključujući hranu za kućne ljubimce, ili za upotrebu u organskim đubrivima ili poboljšivačima tla, ne uključujući proizvode od krvi, mlijeko, proizvode na bazi mlijeka, kolostrum, želatinu, hidrolizirane bjelančevine i dikalcij fosfat, jaja i proizvode od jaja, trikalcij fosfat i kolagen."

## Član 8.

U Prilogu III. Poglavlju A Dijelu I. tački 2. podtački 2.2. alineja druga mijenja se i glasi:

"- zaklana u okviru iskorjenjivanja bolesti u skladu s Odlukom o načinu obavljanja veterinarsko-zdravstvenog pregleda i kontrole životinja prije klanja i proizvoda životinjskog porijekla ("Službeni glasnik BiH", br. 82/06 i 79/09) i posebnim

propisima iz oblasti kontrole i higijene hrane životinjskog porijekla, ali koja nisu pokazivala kliničke znakove bolesti."

U Prilogu III. Poglavlju A Dijelu I. tački 5. podtačka 5.3. mijenja se i glasi:

"5.3.Svi dijelovi tijela životinje testirane na BSE, uključujući kožu, moraju se zadržati pod službenom kontrolom do dobijanja negativnih rezultata brzog testa, osim ako se uništavaju u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i posebnim propisima iz ove oblasti."

U Prilogu III. Poglavlju A Dijelu I. tački 5. podtačka 5.4. mijenja se i glasi:

"5.4.Svi dijelovi tijela životinje pozitivne ili dvojbene na brzi test uključujući kožu, uništavaju se u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i posebnim propisima iz ove oblasti, odvojeno od materijala koji se zadržava zajedno s evidencijama iz Poglavlja B Dio II. ovog Priloga."

U Prilogu III. Poglavlju A Dijelu I. tački 6. podtačka 6.1. b) mijenja se i glasi:

"b) podatke o sistemu identifikacije i sljedivosti goveda, kako je navedeno u tački b) stava (3) člana 7. Pravilnika, koji se provodio tokom prethodnog šestogodišnjeg perioda na području zemlje, uključujući detaljan opis funkcioniranja računarske baze podataka kako je navedeno u Pravilniku o označavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10, 25/11 i 103/11) i posebnim propisima iz ove oblasti."

U Prilogu III. Poglavlju A Dijelu II. tački 7. podtačka 7.3. mijenja se i glasi:

"7.3.Svi dijelovi tijela testirane životinje, uključujući kožu, zadržavaju se pod službenim nadzorom do dobijanja negativnog rezultata brzog testa, osim nusproizvoda koji se direktno uništavaju u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i posebnim propisima koji se odnose na ovu oblast."

U Prilogu III. Poglavlju A Dijelu II. tački 7. podtačka 7.4. mijenja se i glasi:

"7.4.Osim za materijal koji se treba zadržati u skladu s evidencijama iz Poglavlja B Dijela II. ovog Priloga, svi dijelovi tijela životinje koja je pozitivna na brzom testu, uključujući kožu, moraju se odmah uništiti u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i posebnim propisima koji se odnose na ovu oblast."

## Član 9.

U Prilogu IV. Dijelu III. tačka E. 1. mijenja se i glasi:

"E.

1. Zabranjen je izvoz u druge zemlje prerađenih bjelančevina dobijenih od preživara te proizvoda koji sadrže takve prerađene životinjske bjelančevine. Navedena zabrana ne odnosi se na prerađenu hranu za kućne ljubimce koja sadrži bjelančevine dobijene od preživara obrađene i označene u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11), Pravilniku o utvrđivanju veterinarsko-zdravstvenih uslova za odlaganje, korištenje, sakupljanje, prijevoz, identifikaciju i sljedivost, registraciju i odobravanje pogona, stavljanje na tržište, uvoz, tranzit i izvoz nusproizvoda životinjskog porijekla i njihovih proizvoda koji nisu namijenjeni ishrani ljudi ("Službeni glasnik BiH", broj 30/12) i posebnim propisima iz ove oblasti."

#### Član 10.

U Prilogu V. tačka 3. mijenja se i glasi:

"3. Označavanje i uništavanje

Specificirani rizični materijal označava se bojom ili ukoliko je primjereno označava se na drugi način, neposredno po odstranjivanju, i uklanja se u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11), Pravilniku o utvrđivanju veterinarsko-zdravstvenih uslova za odlaganje, korištenje, sakupljanje, prijevoz, identifikaciju i sljedivost, registraciju i odobravanje pogona, stavljanje na tržište, uvoz, tranzit i izvoz nusproizvoda životinjskog porijekla i njihovih proizvoda koji nisu namijenjeni ishrani ljudi ("Službeni glasnik BiH", broj 30/12) i posebnim propisima iz ove oblasti."

U Prilogu V. tački 4. podtačka 4.1. c) mijenja se i glasi:

"c) tamo gdje je primjereno, u sabiralištima u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11) i Pravilniku o utvrđivanju veterinarsko-zdravstvenih uslova za odlaganje, korištenje, sakupljanje, prijevoz, identifikaciju i sljedivost, registraciju i odobravanje pogona, stavljanje na tržište, uvoz, tranzit i izvoz nusproizvoda životinjskog porijekla i njihovih proizvoda koji nisu namijenjeni ishrani ljudi ("Službeni glasnik BiH", broj 30/12) kod korisnika i u sabirnim centrima odobrenim ili registriranim u skladu s navedenim propisima o nusproizvodima životinjskog porijekla i njihovim proizvodima koji nisu namijenjeni ishrani ljudi."

U Prilogu V. tački 4. podtačka 4.4. mijenja se i glasi:

"4.4. Pravila o odstranjivanju specificiranog rizičnog materijala navedena u ovom Poglavlju ne primjenjuju se na materijal Kategorije I koji je određen Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11), koji se koristi pod nadzorom Ureda za hranidbu ugroženih i zaštićenih vrsta nekrofagnih ptica."

U Prilogu V. tački 11. podtačka 11.2. mijenja se i glasi:

"11.2. Ured uz saglasnost nadležnih organa entiteta i Brčko Distrikta BiH, uspostavlja sistem kojim osigurava i provjerava da se sa specificiranim rizičnim materijalom rukovalo i da je uništen u skladu s ovim Pravilnikom, Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11), Pravilnikom o utvrđivanju veterinarsko-zdravstvenih uslova za odlaganje, korištenje, sakupljanje, prijevoz, identifikaciju i sljedivost, registraciju i odobravanje pogona, stavljanje na tržište, uvoz, tranzit i izvoz nusproizvoda životinjskog porijekla i njihovih proizvoda koji nisu namijenjeni ishrani ljudi ("Službeni glasnik BiH", broj 30/12) i posebnim propisima iz ove oblasti."

U Prilogu V. tački 11. podtačka 11.3. b) mijenja se i glasi:

"b) posebni podaci o broju trupova goveda ili veleprodajnih rezova s kojih se mora odstraniti kičma kao i broj onih kod kojih uklanjanje kičme nije obavezno, moraju biti navedeni na komercijalnom dokumentu koji prati pošiljku mesa. Kada je primjenjivo, na dokument iz Pravilnika o uslovima i načinu rada granične veterinarske inspekcije Bosne i Hercegovine ("Službeni glasnik BiH", broj 45/09) i na sve posebne propise iz ove oblasti, dodaju se posebni podaci u slučaju uvoza."

#### Član 11.

U Prilogu VII. Poglavlju A tački 2. podtačka 2.3. f) mijenja se i glasi:

"f) Kad je učestalost ARR alela unutar pasmine ili na gazdinstvu niska ili je nema, ili gdje se to smatra nužnim radi izbjegavanja ukrštanja unutar srodstva, Ured u saradnji s nadležnim organima entiteta i Brčko Distrikta BiH može odlučiti da se izbjegne ubijanje i kompletno uništavanje životinja navedenih u tački 2.3. podtački b) alinejama (i) i (ii) ovog

Poglavlja za period do 5 uzgojnih godina od datuma potvrde o registriranom slučaju, pod uslovom da na gazdinstvu nije prisutan niti jedan rasplodni ovan osim onih sa ARR/ARR genotipom.

U slučaju ovaca i koza držanih radi proizvodnje mlijeka koje se stavlja na tržište, ubijanje i kompletno uništavanje životinja može biti odgođeno najduže za period od 18 mjeseci od datuma potvrde registriranog slučaja."

U Prilogu VII. Poglavlju A tački 2. iza podtačke 2.4. dodaje se podtačka 2.5. i glasi:

"2.5. Do ubijanja i kompletnog uništenja životinja kako je propisano u tački 2.3. podtačka b) alinejama (i) i (ii) ovog Poglavlja, uključujući životinje čije ubijanje i kompletno uništavanje može biti odgođeno kako je navedeno u tački 2.3. podtačka f) ovog Poglavlja, na gazdinstvu se primjenjuju mjere utvrđene u tački 3.1. podtačkama a) i b), tački 3.2., tački 3.3. podtačka a), tački 3.3. podtačka b) alineja prva i tački 3.3. podtačka d) ovog Poglavlja."

#### Član 12.

U Prilogu IX. Poglavlju C Odjeljak A mijenja se i glasi:

"Odjeljak A PROIZVODI

Sljedeći proizvodi porijeklom od goveda, ovaca i koza, kako je određeno posebnim propisima o higijeni hrane životinjskog porijekla, navedeni dolje, podvrgavaju se uslovima propisanim u Odjeljcima B, C i D ovog Poglavlja u zavisnosti od kategorije rizika od BSE-a zemlje porijekla:

- svježe meso;
- mljeveno meso;
- mesni pripravci;
- proizvodi od mesa;
- topljene životinjske masti;
- čvarci;
- želatina osim želatine koja potiče iz kože životinja; i
- obrađena crijeva."

U Prilogu IX. Poglavlju C Odjeljku C tačka 4. mijenja se i glasi:

"4. U slučaju uvoza, broj trupova goveda ili veleprodajnih rezova trupova od kojih se zahtijeva odstranjivanje kičme, kao i broj za koji se ne zahtijeva odstranjivanje kičme, mora biti naveden na dokumentu u skladu sa Pravilnikom o uslovima i načinu rada granične veterinarske inspekcije Bosne i Hercegovine ("Službeni glasnik BiH", broj 45/09) i posebnim propisima iz ove oblasti."

U Prilogu IX. Poglavlju C Odjeljku D tačka 4. mijenja se i glasi:

"4. U slučaju uvoza, broj trupova goveda ili veleprodajnih rezova trupova od kojih se zahtijeva odstranjivanje kičme, kao i broj za koji se ne zahtijeva odstranjivanje kičme, mora biti naveden na dokumentu u skladu s Pravilnikom o uslovima i načinu rada granične veterinarske inspekcije Bosne i Hercegovine ("Službeni glasnik BiH", broj 45/09) i posebnim propisima iz ove oblasti."

U Prilogu IX. Poglavlje D mijenja se i glasi:

#### **"POGLAVLJE D UVOZ NUSPROIZVODA ŽIVOTINJSKOG PORIJEKLA I OD NJIH DOBLJENIH PRERAĐENIH PROIZVODA PORIJEKLOM OD GOVEDA, OVACA I KOZA ODJELJAK A NUSPROIZVODI ŽIVOTINJSKOG PORIJEKLA**

Ovo Poglavlje se primjenjuje na sljedeće nusproizvode i od njih dobijene prerađene proizvode, kako je definirano u članu 4. tač. a) i b) Odluke o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11), (u daljnjem tekstu ovog Poglavlja: Odluka), pod uslovom da su ovi proizvodi porijeklom od goveda, ovaca i koza:

- a) topljene masti dobijene iz materijala Kategorije 2 u skladu s Odlukom, koje su namijenjene za upotrebu kao organska đubriva ili poboljšivači tla, kao što je definirano u tački z) člana 4. Odluke, ili njihov startni materijal ili međuproizvodi;
- b) kosti i proizvodi od kosti dobijeni iz materijala Kategorije 2 u skladu s Odlukom;
- c) topljene masti dobijene iz materijala Kategorije 3 u skladu s Odlukom koje su namijenjene za upotrebu kao organska đubriva ili poboljšivači tla ili kao hrana za životinje, kako je definirano u tač. z) i cc) člana 4. Odluke, ili njihov startni materijal ili međuproizvodi;
- d) hrana za kućne ljubimce, uključujući žvakalice za pse;
- e) proizvodi od krvi;
- f) prerađene životinjske bjelančevine;
- g) kosti i proizvodi od kostiju dobijeni iz materijala Kategorije 3 u skladu s Odlukom;
- h) želatina osim želatine koja potiče iz kože životinja;
- i) materijal Kategorije 3 u skladu s Odlukom i od njih dobijeni proizvodi pored onih navedenih u tačkama od c) do h) s tim da se isključuju:
  - (i) svježa koža životinja, prerađena koža životinja;
  - (ii) želatin dobijen iz kože životinja;
  - (iii) prerađevine masnoća;
  - (iv) kolagen.

## ODJELJAK B USLOVI ZA CERTIFICIRANJE

Uvoz nusproizvoda životinjskog porijekla i od njih dobijenih prerađenih proizvoda porijeklom od goveda, ovaca i koza iz Odjeljka A ovog Poglavlja mora pratiti certifikat kojim se potvrđuje sljedeće:

- a) da nusproizvod životinjskog porijekla ili proizvod dobijen od njega ne sadrži i da nije dobijen od specifičanog rizičnog materijala ili mehanički odvojenog mesa koje je dobijeno od goveda, ovaca ili koza i da životinje od kojih potiče nusproizvod životinjskog porijekla ili proizvod dobijen od njega, nisu zaklane nakon omamljivanja ubrizgavanjem plina u kranij alnu šupljinu ili razaranjem središnjeg živčanog tkiva korištenjem šipke koje se uvodi u kranijalnu šupljinu; ili
- b) da nusproizvod životinjskog porijekla ili proizvod dobijen od njega ne sadrži i da nije dobijen od materijala goveda, ovaca i koza osim onog koje je dobijeno od životinja koje su rođene, kontinuirano uzgajane i zaklane u zemlji ili području klasificiranoj kao zemlja ili regija sa zanemarivim BSE rizikom u skladu s članom 6. stavom (2) Pravilnika.

Dodatno uz tač. a) i b), uvoz nusproizvoda životinjskog porijekla i dobijenih proizvoda definiranih u Odjeljku A ovog Poglavlja i koji sadrže mlijeko i mliječne proizvode porijeklom od ovaca i koza i koji su namijenjeni za ishranu preživara, mora pratiti certifikat kojim se potvrđuje sljedeće:

- c) da su ovce i koze od kojih su proizvodi dobijeni držane od rođenja u kontinuitetu ili najmanje posljednje 3 godine na gazdinstvu gdje nije bilo službenih ograničenja kretanja zbog sumnje na TSE i koje u posljednje 3 godine udovoljava sljedećim zahtjevima:
  - (i) da je podvrgnuto redovnim službenim veterinarskim kontrolama;
  - (ii) da ni jedan slučaj klasičnog skrepija nije dijagnosticiran ili da su nakon potvrde klasičnog skrepija:

- sve životinje u kojih je klasični skrepi potvrđen su usmrćene i uništene, i
- sve ovce i koze na tom gazdinstvu su usmrćene i uništene, osim rasplodnih ovnova ARR/ARR genotipa i rasplodnih ovaca koji nose najmanje jedan ARR alel i ni jedan VRQ alel;
- (iii) ovce i koze s izuzetkom ovaca ARR/ARR prion proteinskog genotipa se uvode na gazdinstvo samo ukoliko potiču s gazdinstva koje udovoljava zahtjevima iz tačaka (i) i (ii);
- ili
- d) u slučaju nusproizvoda životinjskog porijekla ili njihovih proizvoda koji su namijenjeni državama članicama EU navedenim u Prilogu Pravilnika o dodatnim garancijama za gazdinstva u odnosu na transmisivne spongiformne encefalopatije ("Službeni glasnik BiH", broj 6/12), da su ovce i koze od kojih su ti proizvodi dobijeni držane kontinuirano od rođenja ili najmanje posljednjih sedam godina na gazdinstvu na kojem nije bilo službenog ograničenja kretanja radi sumnje na TSE i koje u posljednjih sedam godina udovoljava sljedećim zahtjevima:
  - (i) da je podvrgnuto redovnim službenim veterinarskim kontrolama;
  - (ii) da ni jedan slučaj klasičnog skrepija nije dijagnosticiran ili da su nakon potvrđenog klasičnog skrepija:
    - sve životinje u kojih je klasični skrepi potvrđen su usmrćene i uništene, i
    - sve ovce i koze na tom gazdinstvu su usmrćene i uništene, osim rasplodnih ovnova ARR/ARR genotipa i rasplodnih ovaca koji nose najmanje jedan ARR alel i niti jedan VRQ alel;
  - (iii) ovce i koze s izuzetkom ovaca ARR/ARR prion proteinskog genotipa se uvode na gazdinstvo samo ukoliko potiču s gazdinstva koje udovoljava zahtjevima iz tačaka (i) i (ii)."

### Član 13.

U Prilogu X. Poglavlju C tačka 4. mijenja se i glasi:

#### "4. Brzi testovi

U svrhu provođenja brzih testova u skladu s članom 6. stav (3) i članom 7. stav (1) ovog Pravilnika, kao brzi testovi za monitoring spongiformne encefalopatije u goveda (u daljnjem tekstu: BSE) moraju se koristiti sljedeće metode:

- imunobloting test zasnovan na Western blotting proceduri za detekciju Proteinaza K rezistentnog fragmenta PrP<sup>Res</sup> otpornog na proteaze (Prionics-Check-Western test),
- hemiluminiscentni ELISA test koji uključuje proceduru ekstrakcije i ELISA tehniku, koja koristi pojačani hemiluminiscentni reagens (Enfer test & Enfer TSE Kit verzija 2.0, automatizirano pripremanje uzoraka),
- imunološko određivanje na bazi mikroploča za otkrivanje PrP<sup>Sc</sup> (Enfer TSE Version 3),
- sendvič-metoda imunološkog određivanja (immunoassay) za PrP<sup>Res</sup>, koja se provodi nakon denaturacije i koncentracije (Bio-Rad TeSeE SAP rapid test),
- imunološko određivanje na bazi mikroploča (ELISA) koji otkriva Proteinaza K rezistentni PrP<sup>Res</sup> s monoklonskim antitijelima (Prionics-Check LIA test),
- imunološko određivanje (immunoassay) korištenjem hemijskih polimera za selektivno prihvaćanje PrP<sup>Sc</sup> i monoklonsku detekciju antitijela za očuvane regije PrP molekule (IDEXX HerdChek BSE Antigen Test

Kit, EIA & IDEXX HerdCheck BSE-Scrapie Antigen Test Kit, EIA),

- "lateral flow" imunološko određivanje (immunoassay) korištenjem dva različita monoklonska antitijela za utvrđivanje Proteinaza K rezistentnih PrP fragmenta (Prionics Check PrioSTRIP),
- dvostrano imunološko određivanje (immunoassay) korištenjem dvaju različitih monoklonskih antitijela usmjerenih na dva epitopa prisutna u visoko preklapljenom stanju govedeg PrPSc (Roboscreen Beta Prion BSE EIA Test Kit),
- sendvič ELISA za utvrđivanje Proteinaza K rezistentnog PrPSc (Roche Applied Science PrionScreen).

U svrhu provođenja brzih testova u skladu s članom 6. stav (3) i članom 7. stav (1) ovog Pravilnika, kao brzi testovi za monitoring TSE u ovaca i koza moraju se koristiti sljedeće metode:

- sendvič-metoda imunološkog određivanja (immunoassay) za PrPRes, koja se provodi nakon denaturacije i koncentracije (Bio-Rad TeSeE SAP rapid test),
- sendvič-metoda imunološkog određivanja (immunoassay) za PrPRes putem TeSeE Sheep/Goat Detection kit-a, koja se provodi nakon denaturacije i koncentracije putem TeSeE Sheep/Goat Purification kit-a (Bio-Rad TeSeE Sheep/Goat rapid test),
- imunološko određivanje (immunoassay) korištenjem hemijskih polimera za selektivno prihvaćanje PrPSc i monoklonsku detekciju antitijela za očuvane regije PrP molekule (IDEXX HerdCheck BSE - Scrapie Antigen Test Kit, EIA).

U slučaju svih testova uzorak tkiva na kojem će se provoditi test mora ispunjavati upute proizvođača.

Proizvođač brzih testova mora imati uspostavljen sistem osiguranja kvaliteta koji je odobrila referentna laboratorija Evropske unije (u daljnjem tekstu: EU) koji osigurava da se efikasnost testa ne mijenja. Proizvođač mora referentnoj laboratoriji EU dostaviti ispitni protokol.

Izmjene brzog testa ili ispitnog protokola mogu se provoditi samo uz prethodnu obavijest referentnoj laboratoriji EU i pod uslovom da referentna laboratorija EU ustanovi da ta izmjena ne umanjuje osjetljivost, specifičnost ili pouzdanost brzog testa. Taj nalaz treba dostaviti referentnim laboratorijama EU i referentnim laboratorijama Bosne i Hercegovine."

Član 14.

Ovaj Pravilnik stupa na snagu osmog dana od dana objavljivanja u "Službenom glasniku BiH".

VM broj 40/13  
11. januara 2013. godine  
Sarajevo

Predsjedavajući  
Vijeća ministara BiH  
Vjekoslav Bevanda, s. r.

"E"

Na temelju članka 27. stavak 11. Zakona o veterinarstvu u Bosni i Hercegovini ("Službeni glasnik BiH", broj 34/02) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 34. sjednici održanoj 11. siječnja 2013. godine, donijelo je

## PRAVILNIK

### O IZMJENAMA I DOPUNAMA PRAVILNIKA KOJIM SE UTVRĐUJU MJERE ZA SPREČAVANJE, KONTROLU I ISKORJENJIVANJE TRANSMISIVNIH SPONGIFORMNIH ENCEFALOPATIJA

Članak 1.

U Pravilniku kojim se utvrđuju mjere za sprečavanje, kontrolu i iskorjenjivanje transmisivnih spongiformnih encefalopatija ("Službeni glasnik BiH", broj 25/11), u članku 3. stavak (3) mijenja se i glasi:

"(3) U slučajevima kad neki pojmovi iz Pravilnika nisu definirani u stavku (1) ovog članka ili Privitku I. Pravilnika, primjenjuju se pojmovi iz posebnih propisa iz Pravilnika o označavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10, 25/11 i 103/11), Odluke o veterinarskoj svjedodžbi o zdravstvenom stanju životinja i pošiljaka životinjskog podrijetla u unutarnjem i međunarodnom prometu ("Službeni glasnik BiH", br. 33/03 i 14/04), Pravilnika o uvjetima i načinu rada granične veterinarske inspekcije Bosne i Hercegovine ("Službeni glasnik BiH", broj 45/09), Odluke o načinu obavljanja veterinarsko-zdravstvenog pregleda i kontrole životinja prije klanja i proizvoda životinjskog podrijetla ("Službeni glasnik BiH", br. 82/06 i 79/09), Pravilnika o obilježavanju sirovina i proizvoda životinjskog podrijetla i izradi, obliku i sadržaju veterinarskih oznaka ("Službeni glasnik BiH", broj 82/09), Odluke o određivanju veterinarsko-zdravstvenih uvjeta koje moraju ispunjavati domaća goveda za rasplod i/ili tov prilikom uvoza u Bosnu i Hercegovinu ("Službeni glasnik BiH", broj 84/09) i svih posebnih propisa iz navedenih oblasti."

Članak 2.

Članak 5. mijenja se i glasi:

"Članak 5.

(Zaštitne mjere - biosigurnost)

U odnosu na provedbu zaštitnih mjera, primjenjuju se načela i relevantne odredbe iz Pravilnika o uvjetima i načinu rada granične veterinarske inspekcije Bosne i Hercegovine ("Službeni glasnik BiH", broj 45/09), Odluke o veterinarskoj svjedodžbi o zdravstvenom stanju životinja i pošiljaka životinjskog podrijetla u unutarnjem i međunarodnom prometu ("Službeni glasnik BiH", br. 33/03 i 14/04), Odluke o načinu obavljanja veterinarsko-zdravstvenog pregleda i kontrole životinja prije klanja i proizvoda životinjskog podrijetla ("Službeni glasnik BiH", br. 82/06 i 79/09), te svih posebnih propisa iz navedenih oblasti."

Članak 3.

U članku 10. stavak (1) mijenja se i glasi:

"(1) Specificirani rizični materijal mora biti uklonjen i uništen sukladno Privitku V. Pravilnika i sukladno Odluci o nusproizvodima životinjskog podrijetla i njihovim proizvodima koji nisu namijenjeni prehrani ljudi ("Službeni glasnik BiH", broj 19/11), te posebnim propisima i zabranjen je njegov uvoz. Popis specificiranog rizičnog materijala naveden u Privitku V. Pravilnika uključuje najmanje: mozak, kralježničnu moždinu, oči i tonzile goveda starijih od 12 mjeseci, te kralježnicu goveda u dobi koja je određena sukladno posebnim propisima. Uzimajući u obzir različite kategorije rizika utvrđene u članku 6. stavku (1) Pravilnika te uvjete iz članka 7. st. (1) i (2) Pravilnika, te članka 7. stavka (3) točke b) Pravilnika, popis specificiranog rizičnog materijala iz Privitka V. Pravilnika izmjenjuje se i dopunjuje sukladno navedenom."